

## 第十八、垢穢品

(軌道 18)

- 235 汝女今已似枯焦葉，閻閻魔使者近身邊。汝已佇女立死門前，  
旅途<sup>1</sup>汝亦無資糧。
- 236 汝宜自造安全洲，迅速精勤為智者。拂女除塵垢無煩惱，  
得達諸天之聖境<sup>2</sup>。
- 237 汝今壽命行已終，汝已移步近閻魔。道中既無停息處，  
旅途汝亦無資糧。
- 238 汝宜自造安全洲，迅速精勤為智者。拂除塵垢無煩惱，  
不復重來生與老。

<sup>1</sup> 旅途：指生死輪迴。

<sup>2</sup> 諸天之聖境：指色界天的五淨居天。只有阿那含聖者才能投生。

239 剎那·剎那間，智者分分除，漸拂自垢穢，如冶工鍛金。

240 如鐵自生銹，生已自腐蝕<sup>shí</sup>，犯罪者亦爾，自業導惡趣<sup>qù</sup>。

241 不誦經典穢，不勤為家穢，懶惰為色穢，放逸護衛穢<sup>3</sup>。

242 邪行婦人穢，吝嗇施者穢。此界及他界，惡法實為穢。

243 此等諸垢中，無明垢為最，汝當除此垢，成無垢比丘！

244 生活無慚愧，鹵莽<sup>lǔ mǎng</sup>如烏鴉，詆毀<sup>dǐ</sup>於他人，大膽自誇張，傲慢邪惡者，其人生活易。

245 生活於慚愧<sup>cán kuì</sup>，常求於清淨，不著欲謙遜，住清淨生活，富於識見者，其人生活難。

---

<sup>3</sup> 不誦經典是（學習的）污垢，不勤勞是房屋的垢穢，懶惰是美貌的污垢，放逸是守護的污垢。

246 若人於世界，殺生・說妄語，取人所不與，犯於別人妻。

247 及耽酒<sup>miǎn</sup>飲酒，行為如是者，即於此世界，毀掘<sup>jué</sup>自善根。

248 如是汝應知：不制則為惡；莫貪與非法，自陷於永苦。

249 若信樂故施。心嫉他得食，彼於晝或夜，不得入三昧<sup>mèi</sup>。

250 若斬斷此心，拔根及除滅，則於晝或夜，彼得入三昧。

251 無火等於貪欲，無執著如瞋恚，無網等於愚癡，無河流如愛欲。<sup>4</sup>

252 易見他人過，自見則為難。揚惡如颺<sup>yáng</sup>糠，己過則覆匿<sup>nì</sup>，如彼狡博者<sup>5</sup>，隱匿其格利<sup>6</sup>。

<sup>4</sup> 沒有任何火比得上貪欲，沒有任何執著比得上瞋恚，沒有任何網比得上愚癡，沒有任何河流比得上愛欲。

<sup>5</sup> 博者：賭徒，註疏解釋它為捕鳥者。

<sup>6</sup> 格利：不利於賭客的作弊骰子。

- 253 若見他人過，心常易忿者，增長於煩惱；去斷惑遠矣<sup>yī</sup>。
- 254 虛空無道跡，外道無沙門<sup>7</sup>。眾生喜虛妄，如來無虛妄。
- 255 虛空無道跡，外道無沙門。五蘊無常住，諸佛無動亂。



---

<sup>7</sup> 外道無沙門：外道執持我見、常見、戒禁取見等，所以不可能修得沙門果（聖果）。